

Adresa: **Ul. H. Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax: +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-046-4/24**  
Datum: **22.02.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „POLO“ d.o.o. Kalesija za donošenje rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije objekta benzinske stanice, izgrađenog u naselju Tojšići, općina Kalesija, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o vodnoj dozvoli**

1. Pravnom licu „POLO“ d.o.o. Kalesija daje se vodna dozvola za ispuštanje oborinskih onečišćenih voda u prirodni recipijent sa lokacije benzinske stanice izgrađene u Kalesiji, na zemljištu označenom kao k.č. broj 588/1 K.O. Tojšići, općina Kalesija.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uvida na objektu i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa lokacije objekta benzinske stanice nesmetano sakupljaju i odvođe do ugrađenog trokomornog betonskog separatora nafte i naftnih derivata, te nakon prečišćavanja ispuštaju u zacjevljeni putni kanal.
  - 3.3. Skladištenje nafte i naftnih derivata vršiti u podzemnim dvoplašnim čeličnim rezervoarima zapremine 250 m<sup>3</sup>.
  - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
  - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
  - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije.
  - 3.7. Objekte čija je svrha odvođenje i prečišćavanje oborinskih onečišćenih voda (separator ulja i masti,

- slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
- Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Nastali otpad na predmetnoj lokaciji prikupljati i privremeno odlagati u skladu sa važećim propisima o postupanju sa otpadom, a zbrinjavanje istog vršiti putem ovlaštene firme za tu vrstu djelatnosti, prema sklopljenom ugovoru.
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta "POLO" d.o.o. Kalesija, je dužan provoditi sve mjere i aktivnosti propisane istom.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### Obrazloženje

Pravno lice „POLO“ d.o.o. Kalesija se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije benzinske stanice izgrađene na zemljištu označenom kao k.č. broj 588/1 K.O. Tojšići, općina Kalesija. U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra od 12.11.2018, izdat od Općinskog suda u Tuzli, kopija ovjerena od Općine Kalesija broj 30873 od 14.11.2018. godine;
- Ovjerena kopija uvjerenja o poreznoj registraciji „POLO“ d.o.o. Kalesija, Poslovna jedinica benzinska pumpa Tojšići, izdatog od strane Porezne uprave – Kantonalni ured Tuzla, od 16.06.2015. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza upisan je „POLO“ d.o.o. Kalesija broj: 04/1-UPJR/1-3997-2/09 od 19.08.2009. godine, izdatog od strane Uprave za indirektno-neizravno oporezivanje Banja Luka;
- Kopija rješenja urbanističke saglasnosti za rekonstrukciju i dogradnju objekta benzinske pumpe, izdate od strane Službe za urbanizam, geodetske, imovinsko-pravne poslove i infrastrukturu općine Kalesija, broj: 02/2-1-23-1-862/10 dana 23.06.2010. godine;
- Kopija rješenja odobrenja za upotrebu poslovnog objekta benzinske pumpe u Tojšićima, izdatog od strane Službe za prostorno planiranje, građenje i komunalne poslove broj: 02/2-1-23-2-2668 dana 06.10.2016. godine;
- Kopija rješenja odobrenja za upotrebu dogradnje poslovnog objekta benzinske pumpe u Tojšićima sa postrojenjem za skladištenje tečnog naftnog plina za snabdijevane motornih vozila, izdatog od strane Službe za prostorno planiranje, građenje i komunalne poslove broj: 02/2-1-23-4-4222 dana 06.07.2017. godine;
- Kopija rješenja o okolinskoj dozvoli za postojeću benzinsku pumpu POLO u Tojšićima, izdato od strane Ministarstva prostornog uređenja i zaštite okolice Tuzlanskog kantona broj: 12-01-1-19-008690/20 od 19.06.2020. godine;
- Kopija Rješenja o vodnoj dozvoli broj: UP-I/25-3-40-104-5/19 od 25.02.2019. godine izdatoj od strane Agencije za vodno područje rijeke Save Sarajevu;
- Glavni projekat vanjskih hidrotehničkih instalacija benzinske stanice „POLO“, urađen od strane „ES HYDROTECHNICS“ d.o.o. Sarajevo, oktobar 2010. godine;
- Konačni izvještaj o izvršenoj reviziji projektne dokumentacije od strane „Zavod za vodoprivredu“ d.d. Sarajevo;
- Izvještaj o monitoringu kvaliteta i kvantiteta otpadnih voda benzinske pumpe „POLO“ d.o.o. Tojšići, Kalesija, 645/23 od 17.04.2023. godine, urađen od strane „Inspekt- RGH“ d.o.o. Sarajevo;
- Program obavljanja monitoringa kvaliteta i kvantiteta otpadnih voda benzinske pumpe „POLO“ Tojšići, Kalesija, urađen od strane „Inspekt- RGH“ d.o.o. Sarajevo, januar 2014. godine;
- Tehnički elaborat o ispuštanju otpadnih voda sa lokacije poslovnog objekta – benzinska stanica „POLO“ u Tojšićima, urađen od strane „ES HYDROTECHNICS“ d.o.o. Sarajevo, novembar 2013. godine;
- Kopija Ugovora o čišćenju separatora i zbrinjavanju opasnog otpada broj: 304-01/21 od 23.03.2021. zaključenog sa „KEMEKO-BH“ d.o.o. Lukavac;
- Izvještaj o monitoringu kvaliteta i kvantiteta otpadnih voda „POLO“ d.o.o. Tojšići, Kalesija broj: 645/23, april 2023., urađen od strane „Inspekt-RGH“ d.o.o. Sarajevo;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-046-2/23 od 20.02.2024. godine i konstatovano slijedeće:

Predmetna benzinska stanica se nalazi u naselju Tojšići, općina Kalesija. U sklopu objekta su smješteni slijedeći sadržaji: kancelarija, trgovina, sanitarni čvor, nadstrešnica sa četiri automata za pretakanje goriva, rezervoari za gorivo, rezervoar za plin, parking i manipulativni prostor.

Vodosnabdijevanje predmetne benzinske pumpne stanice se vrši putem priključka izvedenog na postojeći javni vodovodni sistem.



Onečišćene oborinske vode koje nastaju na predmetnoj lokaciji se prikupljaju putem linijskih slivnih rešetki vode putem interne kanalizacione mreže do tipskog separatora ulja i naftnih derivata sa koalescentnim filterom, a zatim prečišćene priključuju na kolektor oborinske kanalizacije. U toku vršenja uviđaja utvrđeno je da se linijske rešetke koje služe za prikupljanje oborinskih onečišćeni voda održavaju i čiste, te da su u funkcionalnom stanju. Skladištenje nafte i naftnih derivata se vrši u tri čelična dvoplašna podzemna rezervoara ukupnog kapaciteta 250 m<sup>3</sup> i podzemnog rezervoar za plin 30000 l.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.grad.

#### **Prilog:**


Glavni projekat vanjskih hidrotehničkih instalacija benzinske stanice „POLO”, urađen od strane „ES HYDROTECHNICS” d.o.o. Sarajevo, oktobar 2010. godine.

Konačni izvještaj o izvršenoj reviziji projektne dokumentacije od strane „Zavod za vodoprivredu” d.d. Sarajevo.

Program obavljanja monitoringa kvaliteta i kvantiteta otpadnih voda benzinske pumpe „POLO” Tojšići, Kalesija, urađen od strane „Inspekt- RGH” d.o.o. Sarajevo, januar 2014. godine.

Tehnički elaborat o ispuštanju otpadnih voda sa lokacije poslovnog objekta – benzinska stanica „POLO” u Tojšićima, urađen od strane „ES HYDROTECHNICS” d.o.o. Sarajevo, novembar 2013. godine.

Po ovlaštenju  
Rukovodilac sektora za izdavanje vodnih akata



*Mehmed Ališehović*  
Haris Ališehović, dipl.ing.grad.

#### **Dostaviti:**

- „POLO” d.o.o Kurtići bb, 75260 Kalesija (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava